

王

笙

樓

詩

錄

潘叟十六小景



涉歷艱途險阻艱難咀嚼  
詩味辛苦鹹酸吾不棄吾  
之詩兮吐真氣於心肝吾  
不求吾之伸兮吾名吾曰  
蟠

蘇軾自題

玉笙樓古今體詩目錄

第一卷一百六十一首

第二卷一百十首

第三卷九十六首

第四卷九十四首

第五卷九十七首

第六卷一百十九首

第七卷一百首

第八卷一百五十三首

第九卷一百二十九首

第十卷一百二十二首

第十一卷一百三十八首

第十二卷八十八首

右詩凡一千四百四首都爲十二卷四十年之作略具於此而余年已六十矣憶道

光丁未秋居閬中與李介人郡博

義得

王

藕船明經

承志

爲重陽之會介人曰詩辭

以情真切語自然爲第一又能以寫胸中

自得之趣眼前見在之景爲高此呂新吾  
先生之教也君詩雅得此意可謂豪傑之  
士願堅持之母爲世俗之見所惑藕船云  
君方壯歲詩已如此晚年必能自成一家  
惟全藁必須自訂否恐後人妄意增損乖  
作者旨趣若乞人以膚詞作序言更無謂  
相與唯諾嬉笑而散嗚呼是不過當時醉  
語耳今吾詩成而兩君墓木拱矣又安得  
起九原而一一與之商榷耶追維舊雨不

禁愴然時壬午十二月二十三夜雨窗鐙

下壽榕又注

玉笙樓詩錄卷一

海昌

沈壽榕

意齋

道光癸卯至咸豐甲寅

石泉司徒子臨明府

照

以石紐篆書拓本

見贈云石紐村在縣城外卽大禹所生處

篆方體不題書人姓氏

司徒先生吾執友乍啟封函字如斗史傳大禹出  
西羌蜀縣廣柔村石紐當時流星氣貫昂吞以神  
珠光映口茲鄉共號剗兒坪鬴腹坼胸欽帝母聖



人奇功垂萬世只此區區百靈守遺跡長留採藥  
亭光爛雲霞山絕陡是書考證無歲時姓名更復  
知誰某土人蠶蠟苦未工磨滅鋒棱轉麤醜石泉  
地僻過者少苔蘚長青土花朽搜尋禹穴出明季

都云篆自青蓮手

明巡撫劉達夫修蜀志訪古碑於石泉土中得禹穴二字云爲

唐李白所書

我思太古以前實荒渺斷案當從三代後

玉檢金泥共寶藏奇祕韓公詠岫嶁嗟哉後生妄  
摹擬尺寸規繩總窠臼得之耳食亦偶然問諸心  
畫能通否六書象形會聲意八卦分宮變奇偶若

持死筆絕生氣非獨續貂將類狗多君相贈足珍  
重滿座同看神抖擻空堂挂壁風雨來隱起波濤  
色昏黝吾家鹽官鄰會稽瞻拜高陵祀神后攜將  
拓本過滄溟鎮鎮蛟龍瘖不吼

述古六首

常情別誹譽武王猶未知舉賢而好善明效良可  
期太公貫天人發語通精微多黨與少黨進退能  
毋私以言定去取獨斷誰不移吁嗟去古遠歧徑  
紛詭隨引舉或同類柴立傷孤危聖哉太公言無

愧周公師

伊周不世出管晏術已卑請思春秋世豈復湯武  
時聖人運六合羣才相扶持否則人禽雜遑分華  
與夷吾道近迂闊黃虞不可追起而問補救霸佐  
能者誰宣尼論管晏平心多恕詞管晏今再生執  
鞭吾願隨

燕昭地日蹙隱憂宗社危齊人削八城匈奴臨邊  
陲郭隗天下士高論於此時起言帝王霸臣曰賓  
友師王如棄斯語氣使誰任之得朋已不易况待

同役廝隗也坐南面三年惟念茲蘇鄒樂屈徒四  
賢咸來歸以弱而制強功大當屬誰勢仁求真賢  
此事須三思

致身大富貴何物非君賜推恩及眾人達情亦明  
義奈何世運薄懸祿爲甘餌貪夫試飢飽肥瘠等  
屠肆是非斷以言好惡姑行意私利汨其天流禍  
恐無地不聞平仲賢惠施三黨備鹿裘與驚馬諒  
哉過人智

子房報韓仇少年有奇節學爲王者師勝可千里

決所惜事詭遇遠與聖賢絕儲君應立長臣當大  
義折四皓何如人逖世鳴高潔厚禮奉金玉甘以  
貨賄結季也氣且盡舞罷楚歌咽轉瞬禍人莠幾  
微炎祚滅辟穀云封留全軀陰謀設盡瘁死乃已  
用心天壤隔

詩書開智原干將藉人力操柄不制心雖聖有遺  
失譬山高萬仞土積羣材植培根舍其正叢穢類  
荆棘大澤生龍蛇波濤爲羽翼苟非藏蓄深魴鯉  
未可得嗟嗟風頽靡矯激動聲色騏驥用捕鼠國

士且捫蝨

登大佛寺樓遇雨

寺在遂甯縣屬之梓潼鎮

山頭佛如南面尊  
重巒起伏獅象蹲  
涪江浩浩東流奔  
雙趺下濯銀濤翻  
好春二月桃李繁  
遊人雜沓聲聞喧  
牧兒戲上佛頂坐  
如來大笑無嗔言  
我攜斗酒邀客醉  
青鞋踏破苔花痕  
冷然泉響奏琴筑  
紹興題字鐫石門

石磴琴聲  
宋人題字

登樓望遠疑黃昏

濛濛雨氣攢雲根  
萬松飛舞灑蒼雪  
直注檐溜旋傾盆  
停杯不語動色戒  
迴看已失來時村  
漁舟一

葉凌萬頃其下防有蛟龍吞老僧笑曰偶然耳禪  
牀暫息無囂煩斜陽一線漏紅影滿地碧色萌芳  
蓀浮生苦同蝨處禪安得變化爲鵬鴟吁嗟乎咫  
尺風波尙如此九州之外何必論

塗歌四首

緩行無車疾馳無馬眼中悠悠皆行路者  
浩浩茫茫瞻顧徬徨六月雨雪我無衣裳  
赴火有蛾含沙有弩技止於斯毋徒自苦  
負之而趨顛蹶可虞得尺得寸我安我愚

巴人謠四首

放野馬

官馬縱牧於郊踐食民田穀麥曰放野馬

戰馬田中行黃犢不得耕吁嗟農田亦王土健兒養馬如養虎

拉肥豬

盜脅富兒去勒財贖還曰拉肥豬

有豕在塗其行趑趄豕鳴鳴勢將就屠持刀不殺待汝錢錢來放汝肥豬還

新絲債

以絲折錢子過於母曰新絲債

三月勤養蠶絲成便有錢新絲不敢賣抵償富兒



三才木言金  
債富兒還說絲太輕二十四兩作一筋

離窩錢

租屋不給值主人仍以錢遣之去曰離窩錢

離窩離窩窩非安樂不離奈何有屋不遷索離窩  
錢離窩離窩得錢無多不離奈何

古意二首

歡有百金劍妾有雙明珠贈歡歡不知淚溼紅羅  
襦

歡愛紅羅襦妾愛白團扇兩心已不同兩面何須  
見

雙江鎮晚泊二首

遂甯縣屬

野店不知客相呼爲少年人聲喧散市鷗影避來  
船斷岸沙成阜當風柳脫絲閒情無可寄餘夢入  
江煙

前村何處是問徑欵柴扉草暖香迷路春晴蜨曬  
衣溪流縈淺碧花樣賜新緋我正牽離緒誰家燕  
子歸

望江上千佛巖

潑黛撐青畫不如黃茅白板野人居橫剗山腹摩

尼像倒印田心蝌蚪書智慧誰能千手眼飛行長  
想半空虛臨崖勒馬臨淵羨那得騎牛更釣魚

白衣菴題壁

遂甯城西

綠盡江城萬柳枝風前惆悵落花時朝晴暮雨紛  
寒暖老佛低眉笑不知

遊廣德寺

遂甯郭外

空林雨氣散晴煙塔影孤高佛頂圓我自無心僧  
自笑晚風開遍一渠蓮

與張宜園上舍別

知簡

舉杯不能醉醉後不能歌醒時歌復起如此離別  
何高樓有客彈銀箏美人強作腸斷聲明朝試看  
送君處淚似芙蓉花上露

雨望

眼前突兀千萬峯一時瘦削含秋容雨聲穿樹戰  
黃葉雲氣過江飛白龍無聊獨客喚沽酒何處寺  
樓撞晚鐘鄉書欲寄不得寄雁羣初起煙痕衝

任城太白酒樓圖

乾坤過眼等蜉蝣尙有青蓮舊酒樓蜀國名高陳

伯玉洛陽春滿董糟邱誰教下筆開生面我愧題  
詩在上頭畫裏蒼煙渾不辨更從何處望齊州

西魏宮詞四首

鑾輿那得入關中再事彭城恨未窮舊物何堪重  
過眼一雙玉鉢訝神工

內宴新停樂府詞蒺藜綠底繫朱絲懷中明月光  
長掩推案彎弓未是癡

香澤初聞罷賜錢清暉高處夜朝天如何乙弗捐  
生日尙祝君王壽萬年

何事柔然苦戰爭貴教東面早休兵瑤華殿裏清  
嚴夜怪煞無端犬吠聲

與人論宋取江南事漫成八首

誰云東海有彭奴李變楊花讖已符兩夢黃蛇皆  
帝子千人白甲本農夫江淮忽唱檀來曲點檢曾  
先突陣呼記否丹陽宮裏事讓皇驚起擲香鑪  
錦洞天中紫麝囊琵琶殘曲補霓裳佳人豈盡傾  
城國才子原難作帝王寶偈乘雞兼跨犬畫圖鋪  
殿與裴堂繡袍忽訝宮娥立八尺琉璃屏上光

一半東風去未知潘卿絕妙有微詞文臣靜聽宣  
中旨副使虛云老北師置酒樂官同畢命押綱羅  
漢富歸貲堪憐千鵠從他痛痛定如何不再思  
鐵甕驚呼玉壁圍珠明羞借燭光輝深宮尙列紅  
羅幕高柵俄臨采石磯繞足金蓮花六尺搔頭秋  
水燒雙飛風流好唱無愁曲肯向中原作布衣  
豈容父子兩家分江上浮梁竟不聞半夜橫施量  
水線先朝底用拔山軍樓頭瞥見神光湧鹿口能  
言鬼物羣多少鍾王遺墨在保儀揮淚一時焚

十丈昇元盡哭聲誰云不殺保危城  
臨戎尚彥鋒猶銳請死陳喬氣尙生  
紗帽白衣亡國虜兩舟一木宋家營  
袈裟禮佛終何用博得鴛鴦寺主名  
荒涼遠岫可勝情忍說櫻桃斷尾聲  
鼾睡豈容來臥榻表書先自乞呼名  
傷心喬氏留金字含淚張家祭茶羹  
五十二棺同日葬依然疑塚不分明  
六代繁華瞬息休平分南北又添愁  
宮庭終賜牽機藥生死都逢乞巧秋  
有淚衣裳天水碧無端興廢大江流  
孤兒寡婦憑誰問萬里崖門剩一舟



對酒五首

太上非忘情任運隨其天我飲非大戶一尊常陶  
然取我架上書朗誦秋水篇理妙心已醉掩卷仍  
酣眠松喬伊何人厥壽能千年自有金丹藥後世  
無真仙

羣情或競僞自處先以苟面目與肺肝竟如非已  
有醉時露天眞旋悔反而走元氣日以凋倏焉草  
木朽

人愛猩猩血猩猩愛人酒酒醉而殺之血亦爲人

有初以飲食貪禍乃身受之人心似鋒鏑惜非汝  
所知道遺猩猩骨猩猩見之哭前路聞酒香一笑  
閉雙目不如南山豹隱霧潛其神聖人出乃見至  
哉爲麒麟

聖人不求富惟從吾所好百年似飛埃斗酒須自  
勞我未誦楞嚴獨拜杜康廟製酒有奇功一飲通  
萬竅仙家吸瓊漿悟得長生妙如來何太癡但解  
拈花笑

盛氣未能養所如與道乖落落古人意藉酒舒好

懷收心息羣動默坐如清齋痛飲固足快獨醒亦  
復佳過量成酒失又恐爲麤材自盈必取覆吾於  
酒戒哉

劉蘭泉見過卽同訪妙傳僧

江上有山山有寺客來尋我我尋僧誰云論世可  
千古最好逢人無一能石室之間惟短榻芒鞋而  
外卽孤藤中宵獨立看雲處涼月如盤對佛鐙

涪江秋感四首

兩年春事強勾留記否前遊與後遊金碧山巒雲

裏畫丹黃霜葉雨中秋參橫月落猶聞笛日暮天  
寒獨倚樓幾度銜泥巢未定飛飛燕子不知愁

津頭簫鼓夕陽催熱淚何因到酒杯如訴可憐蟲  
自語不眠剛聽雁初來寒收紈扇箱空疊病損朱  
顏鏡嬾開怪煞微波依舊綠離人照影日千迴

倚水芙蓉趁曉晴一枝含露尙斜橫初逢素面疑  
曾識便割柔腸斷又生何事無言空惘惘有時相  
對隔盈盈簾櫳近樹微風起送到涼蟬第幾聲  
履迹衣香意不知苔紋磨滅粉牆詩無端聚散如

萍葉絕妙文章比色絲惜別有情殘燭短留君何  
計片帆遲高臺獨上空回首又見遙山似黛眉

過友人山莊

溪橋半彎竹三徑柴門恰對青山開晴窗把卷尋  
午夢童子騎牛呼客來逢春最好夜雨足得酒且  
邀鄰翁陪風前執手相視笑白雲在天無點埃

送劉子敬觀察

師陸

之霸昌道任

一錢父老助行裝差喜遷官近

帝鄉束髮受書宗陸氏

少時讀書嘉興爲宣公  
舊宅自稱陸堂學人

冥

心搜古類歐陽

所藏金石文字最富

花明蜀錦春三月風送

齊紈字幾行

瀕行以留別詩書扇見贈

忍淚別君還自惜鹽車

何日騁康莊

中秋夜英煥堂觀察

文

餉酒卽留客飲

閉門月在外形影伴我獨兀坐殊寡歡客來期不  
速相與顧牀下瓶罄久無蓄忽聞使君使持贈酒  
盈斛大呼赤足奴移取窗前燭肴核紛錯陳笑聲  
旋滿屋飲茲東浦水家憶西湖曲手開泥頭封氣  
隨香到腹客云事非偶天從人所欲不然啜茗談

彼此手俱束斯言亦復佳一醉同爛熟明日盡餘  
杯得隴還望蜀

送韓竹臣總戎振先還蘭州

隴西古關塞人傑產奇英

國史雙忠烈君家兩父兄

君父嘉業兄自昌皆歿於教匪之戰蘭山

思故里萍水悟前盟欲別重看劍尤憐白髮生

胡恕堂觀察

興仁

招飲錦屏山閣訪宋張

侯

憲祠故址

平江碧淨春猶淺四射山光畫圖展使君愛客客

能狂放懷久已忘軒冕宵來積雨訝寒重曉起新  
晴期必踐郊原野色明雙眸今年坐惜流光轉南  
津官渡何用呼泛泛輕舟如小鳬憑臨傑閣俯煙  
水隨雲變化紛模餉山巔石室僅方丈僧言欲上

梯難扶將軍昔日偶遊戲危崖懸磬松尖枯

崖前樹杪

高十餘丈前川北鎮  
羅公思舉挂磬於上

主人問我能飲否一石未能

姑一斗迴看城郭迷丹青拂洗殘碑色昏黝英雄

已矣吾生後

張公憲追贈閬州  
觀察使祠在山麓

再拜忠魂還酹酒

山禽怪似雕兒鳴寒濤怒作靈鼉吼



恕堂觀察招遊玉臺觀復登北山尋滕王  
亭遺址有詩記事奉和此篇

山光秀可挹城勢儼如抱草長碧無縫煙開淡如  
埽玉臺跡久湮層樓今再造

玉臺觀址已亡今爲碧玉樓

登峯

際高景危哉狎飛鳥上攀萬丈梯行將入雲表下  
臨百尺溪孤亭懸木杪蒼苔繡石壁題字磨難考  
野花媚餘春坐愁蝴蝶老滕王圖不見少陵詩獨  
好懷古發幽想遠風殘磬裊

過蒼溪縣簡毛采堂明府

俊章

昨宵木馬寺寒草動悲風今夕蒼溪縣春鐙壓市  
紅主人能愛客不放酒杯空明日題詩去嘉陵江  
水東

游閬風亭同王藕船明經作

名承志  
閬中人

駭浪何年鎮石犀危亭回首郡樓西屏山對錦青  
如送楊柳初春綠未齊水榭風帆依岸轉雙柑斗  
酒共君攜閒愁爲問能消否野鷗鵠聲不住啼

暮春偕袁鹿琴

子嘉

萬紫山

含暉

兩廣文

郊行憩香城古刹訪宋刻羅漢堂記

風斜花亂飛春事已云暮人間游最忙杯酒歡無  
數昨雨朝猶寒午晴消積霧出郊豁塵眼翠微界  
雲素古寺面平野蒼筤作遮護五百羅漢堂宋碑  
立當路相攜踏松徑鶴影隨閒步茶溫清話餘煙  
冷香添炷聞鐘客將返殘陽隱高樹僧笑佛無言  
聲喧歸鳥赴

雨登南城樓觀漲二首

老蛟百尺睡初起鴻濤一雙相對閒迴望長空無  
墨畫淡濃皴出米家山

丹樓碧嶂參差見五色雲屏八面開長橋已沒客  
愁渡恰好打魚船過來

張桓侯墓

閬中城西

形勢雄西北江山扼閬州遺香分漢鼎古墓表桓  
侯三國無雙士孤城敵萬樓樓在祠前風霜寒不落老  
柏氣橫秋

巴州早發張壽軒軍門

必祿

留飲是日宿

棗兒塘卽事奉寄二首

客訪南龕作快遊

南龕在巴州郭外唐人石刻甚多

閬州東去古

巴州聽談嘉慶初年事百戰勳名兩徹侯

德公榜  
秦額公

勒登保

別公聊復盡餘觴醉裏虬髯似戟張昔日健兒今

野老晚風孤店話蒼涼

棗兒塘遇野老詢之公舊部也言從征教匪事甚詳

天雄關

昭化縣屬

雄圖開萬象木杪見人行飛鳥日邊出奇雲天外

生牛頭

山名

凌絕巘虎口扼嚴城繼勇豐碑在

關右有繼

勇侯德公榜秦平定教匪紀功碑

關河早洗兵

對弈亭

蜀漢費成鄉侯禕遺跡在昭化縣郭

舊跡紀成鄉孤亭草又荒山多城市小秋早客衣  
涼桔柏寒江渡葭萌古戰場因公憐蜀漢殘局太  
蒼黃

大木戍雪夜有懷三首

大樹園荒驛巉巖不可梯冰花森玉柱雪乳釀膠  
泥茅屋問新主粉牆尋舊題敝裘寒若此溫酒借  
偏提

靜同僧入定都訝客眠遲孤榻愁人醒危橋斷木  
支爐灰雙筯畫夢影一鐙知欲問梅花信憑誰寄

所思

戰後留殘卒中宵鼓角嚴

戊卒年七十餘嘗征湖北教匪張漢潮言之甚

悉

雲鱗濃潑墨風箭直穿簾壓路迷雙堠尋山沒

萬尖時平無羽檄計日報郵籤

次廣元縣陳子農明府

初田

欸留十日別

後奉寄四韻

緜緜鐙下語欸欸酒邊心此意無人解比之江水  
深何堪離別去還作短長吟更欲留春住寒梅思  
不禁

皇澤寺

寺在廣元縣郭石刻武壘比邱尼像

千古龍漈接禍胎金輪遺像枕江隈  
臨朝忍見程琳畫稱制端從呂后開  
豔說蓮花如玉貌摘空瓜蔓詠黃臺  
當年大造浮屠事偏許梁公諫疏來

姜平襄侯

維祠祠在劍門關

當歸未報母恩慈遠志難扶帝業衰  
墓表蘆山存漢土侯墓在蘆山縣  
雲橫劍閣拜荒祠裏蘊有路先亡蜀

陽兒

鄧艾墓在劍州之孤玉山

上表何人再出師遙指寒林望孤玉  
村巫猶賽棘



曉登劍閣二首

勢抱西南靜塞烽當年誰爲列崇墉山名大小劍  
雙鏐雪裏兜羅綿幾重霜葉如花開老樹風鈴傳  
語答寒鐘閣下爲梁山寺一夫守險因時變敢說丸泥便  
可封

青壁巉巖白晝昏上懸傑閣下重門長空飛鳥驚  
虹彩細雨騎驢斷客魂別與岷峩分外戶從來珠  
玉走中原八千四萬欺人語霸王才多總莫論

驛馬嘆三首

驛馬奔馳芻不飽驛吏高眠不知曉郵符遲誤將  
奈何風雨宵行馬將倒圉卒還云馬蹄好  
例馬一棚三十匹裁減今存二十六再稽其數十  
二三還說有餘非不足馬不能言詩代哭  
野人種得山中田上糧再加夫料錢一斗五升交  
不全去年津貼今年捐野人賣盡山中田

題武連驛樓

下馬上高樓衣寒酒杯熱昨日劍門山今朝武連  
雪

郎當驛

大好春光羯鼓催三郎一笑百花開如何風雨鈴聲苦不見琵琶弟子來

龐靖侯

統

祠墓

在羅江縣境

鹿頭關外雨冥濛宰樹寒生二月風位並軍師諸

葛亞疆聯廟祀蔣侯同

蔣恭侯琬墓在緜州

一州坐定陰謀

蜀百里才多偶借公聞說殘碑新出土輕鞭可惜

去恩恩

送江春明秀才還金陵

憐君不得意壯歲鬢毛斑且盡卽筒酒知從蜀道  
還落花三月雨歸夢六朝山漫唱烏啼曲青青柳  
一彎

前路

前路不知何處記從茅店來時高樹綠遮牆角狂  
花紅繞鞭絲春暮忽晴忽雨客懷如夢如癡一笑  
閒愁揮去山腰斜出酒旗

北巖寺

閬中  
縣郭

出郭言尋北巖寺到門但見蒼煙橫池心淺草散

亂髮石脅暗泉飛碎瓊老佛一龕篆香冷苦茶半  
椀詩腸清昏黃不辨去來路斜石作梯人倒行

苦語二首

苦語告牧童愛爾牛與羊主人勞叅養母以飽豺  
狼

苦語告漁兒得魚須善養賣錢養汝家奈何盡一  
網

題藕船明經倚樓看鏡圖

阿堵傳神古亦難閩風高處不勝寒問三公事頭

如許上一層樓眼更寬王儉蓮花開幕府杜陵茅  
屋老江干雄談好句俱無敵拂拭飛精且自看

簡李介人郡博

名義得  
塾江人

半榻寒氊笑不溫萬間廣廈事重論

時主講錦  
屏書院翻

開文字新花樣齟齬斷鹹酸老菜根活水有源常繞

座好山如畫恰當門

通濟渠錦屏山  
皆在書院左右

銅錢三百餘

清俸便擬時來倒一尊

敦煌太守裴岑紀功碑歌示張雲峯秀才

並序

前巴里坤總兵張君名拱辰南部縣人兩目  
長秀人稱張鳳眼事載縣志道光庚戌四月  
榕權南部縣新政壩縣丞其孫雲峯秀才來  
謁並出所遺裴岑紀功碑二紙相贈爲賦長  
歌書之紙尾

昔有總戎張鳳眼嘉慶初官巴里坤裴岑紀功碑  
在爾拓歸南部貽厥孫孫也收藏五十載芸香掩  
護防蠹痕謹奉二紙用贈我登堂下拜陳其原碑  
高四尺上圓首廣尺八寸方象跟土人呼爲石人

子冰霜凝結風雨昏維漢永和二年秋八月字分  
六行辭不繁斯時呼衍王等肆殘虐太守率兵三  
千屯誅斬靡遺埽災青祠由民立懷舊恩體勢森  
然露圭角云以戈劃當理援苔斑星點遍羅布凸  
凹高下宜手捫異哉偉烈竟若此何以史官無一  
言倘非知者足珍重付諸烏有名奚存溯初乾隆  
中葉伊犁定

皇威滌蕩清邊藩尙書襄公

日修

還朝攜墨本從茲

好古之士紛討論至今海內猶僅見得母又經雷



火燔或謂此碑苦多事遠求蠶蠟勞更番彼僮厭

數塗以漆難明點畫空蝓蛇申氏

北定

顧氏

文

再摹

刻目俱未覩同黯黯吁嗟神物鎮絕域流傳奕禩  
聞天閭賤子稍探篆隸法髣髴筆意追精魂文章  
勲業世所寶君思祖德垂後昆

離堆山祀顏魯公祠禮成集同人飲摩崖

亭下

屬南部縣

離堆千尺撐穹嶮嘉陵一水拖青藍扁舟曉渡問  
山徑披衣合掌來瞿曇爲言荒僻遠城市雖奉彌

勒無香龕往時田父作秋社近有村女祈春蠶顏

魯公祠已久廢盧御史文誰重探

明御史盧雍有祀顏魯公祠文

摩崖殘記搜石壁

顏公書離堆山記僅存十餘字

鮮于神道沈江

潭

顏公書鮮于仲通神道碑已沈於江

我聞斯語傷且慙相招吾黨

人二三共肅冠裳修俎豆再新棟宇收梗楠

時初修復

公蓬州宦遊昔至此

顏公曾官蓬州長史

筆端造化心能參

大臣忠節常凜凜小儒傳說徒謫謫蜀都碑版皆

所諳潼川劍閣多停驂干祿字書宋摹刻

潼川府教授署

有宋刻干祿字書

中興頌體肥不堪

劍州有重刻中興頌

後生景仰

師古法如拾珠玉珍包函更從何處覓全本少留  
四座娛清談亭前把酒豪興酣林花撲袖餘醺醺  
漁歌數聲晚歸去煙波回首空晴嵐

赤魚行

有序

庚戌四月南部縣屬之新政壩江水暴漲漁  
人收網重不能舉乃集數十人於岸傍繫長  
繩曳之而上見赤魚長一丈二尺鼻銳長三  
尺許重千四百餘觔食肉者病越七日漁家  
火眾以爲神塑魚像於離堆山廟中瘞其骨

爲大塚余親見之作赤魚行一篇示悟虛長老

波平綠滿嘉陵江顏書石刻奇無雙蒼松蔽空勢  
盤鬱哀湍直瀉聲錚鏦相攜老衲尋古廟怪哉新  
塑神魚貌頭顱象箕鼻類筍目陷空眶腮已暴出  
門又見山麓傍孤墳隆起青草長誰收皮骨力深  
掩笑指牧童燒斷香此方此事從何始四月初旬  
五丈水百尺挽繩才露尾十里聞腥遙洗髓操刀  
而割同剗犀白沙灑血成紅泥焚如爲災七日期

咸驚妖祟羣狐疑旣乘其危享其利觸處鈎鈔惜  
輕試邪鱗頑甲敗殘餘土飯塵羹沽酒肆須知愛  
物猶愛民爾今竭澤殊不仁釣以期年學公子網  
開三面師聖人眾生聞言大歡喜魚便有冤解脫  
矣僧將膜拜我且走男兒自具屠龍手

報恩寺土中掘得唐韓雲卿隸書鮮于氏  
里門碑高一丈五尺廣五尺其文可讀者  
凡九百餘字榕爲舁至平野構亭覆之並

另記於石

寺在新  
政壩

八分家學韓擇木全文缺處苔花鋪世傳漢碑已  
茫昧此雖唐隸猶規模惜無舊本搨蟬翼尤憐亂  
石埋龜趺夕陽下山客將去晚鐘一聲林鳥呼

泛舟重遊報本寺於叢薄中得舊刻陀羅  
尼經殘石其字體類北魏年代不可考

鎮日詩魔鬪未降重來遊興寄輕艤山花繞路紅  
如幕野樹連雲綠過江滑借僧鞋探石徑倦移客  
枕臥松窗多羅秘咒奇零字健筆何人鼎可扛

宋岳忠武王遺像其裔孫岳威信公

鍾琪

家所藏榕得敬觀賦成四首

鬚眉奕奕氣如霜千載而還尙慨慷遺像清高亞  
諸葛全家福澤遜汾陽朝廷南渡民殘劫祠墓西  
湖我故鄉明德有人逢

聖代上公茅土贊

純皇

岳威信公於乾隆朝功績最著

未搗黃龍已罷兵官家自欲壞長城從教宰相完  
夫婦記否君王有父兄天道無知逢世變人心不  
死望公生當時若上雲臺畫祇得尋常戰將名

事去英雄淚有無宗爺而後岳爺呼一雙鐵像泉  
臺冷百萬金錢歲幣輸同日捐生悲孝義籲天著  
錄辨冤誣中原膏血誰知痛塊肉存亡趙氏孤  
衷鄂原非一例看功成菹醢豈彭韓日星共見忠  
猶在文武兼資古已難扣馬遮留機局壞騎驢歸  
去酒杯寬平生讀史參疑信後起紛紛說將壇

雨遊給孤寺

寺在新  
政壩

破刹叢山隙殘碑識給孤垂楊黃半額病衲赤雙  
趺春氣如雲滂泉聲挾雨麤何年留畫壁金粉淡



模餽

觸目

蜂子春晴喧午衙  
老烏抱樹哺雛鴉  
兒童拍手向人笑  
蝴蝶飛來蝴蝶花

自富村驛至建林驛道中雜詩四首

富村驛屬

南部縣建林驛屬三臺縣

閒門深鎖爲誰開  
楊柳成陰手自栽

富村驛巡檢署楊柳乃余

讀書時所手植者

一陣微涼風過處  
笛聲初斷絮飛來

樓外鞦韆架尙橫  
春衫影子畫分明  
當年洞口誰

相送不見桃花似隔生

細徑樵歸暮色蒼  
雨餘風靜草猶香  
仙人留得靈泉在  
飛過松陰洗石牀

野店春寒睡獨遲  
東塗西抹少年時  
數行殘墨千

行淚腸斷蓮儂壁上詩

癸卯春余宿建林驛旅店題詩壁上越明年灌縣王

蓮儂女史步韻於後詞極悽惋其後往來和者凡數十家

夜過李西漚官贊寓齋論詩小飲坐桐陰

下納涼卽事四首

名惺塾江縣人

苔紋滋淨碧  
雨過收餘炎  
斗室敞虛白  
樹杪懸銀

蟾客來竟不速一尊聊共拈說詩聞古樂俗耳加  
鍼砭

微步信所適披襟延好風垂垂白髮叟擢擢青梧  
桐得壽自仙骨忘言皆化工端居師元默理超神  
俱融

中夜息羣動心契太古初妙自得禪悟一切皆埽  
除求以葆吾真爲言多讀書書亦空腔子實用當  
何如

忘年友兼師豁達兩不疑陋儒心孔隘動或榮名

移公云已暮齒風雅況益衰丈夫貴自立浩蕩爲君詩

悼亡四首 有引

庚戌八月二十七日余在崇慶州吏目任得家信知薛孺人於是月十四日歿於閬中寓舍爲位哭之賦詩四首

惱人鴉噪惡音來天畔孤鴻祇自哀八月有凶機

早見

著得臨卦

五更無夢眼常開根留獨活餘愁種花

誤宜男釀禍胎

病痞醫誤爲孕

聞說畫圖遺像好病中顏

色費疑猜

嫁衣留到蓋棺時艱苦年來漸不支多故累卿貧  
病死無聊憐我畫書詩人前未見雙眉展別後先  
防一面遲沈約瘦腰潘岳鬢此情忍使夜臺知  
盆鼓蒙莊強自寬才知天上寄愁難空階夜雨心  
將碎野寺秋風骨未寒人事十年如夢影家書兩  
字少平安誰云諫果回甘易轉入柔腸總覺酸  
琴奏孤桐慘絕絃蕭騷落葉咽哀蟬高歌痛哭奈  
何許兒女英雄都可憐我忍忘情同太上君如有

福早生天怪他一樣秋中月不向西樓缺處圓

柳林鋪

屬巴州

東風如醉柳條斜  
蝴蝶難尋夢裏家  
落日亂山香不斷  
野籬開遍刺桐花

吳仲圭墨竹

元四大家世已少  
梅道人畫尤擅名  
一條長絹拂凌亂  
數竿濃墨隨縱橫  
有時正格作奇格  
無定風聲兼雨聲  
祇恐樹中藏不得  
老仙攫起蒼龍行

登浮圖關夜宿華岳寺

關在重慶府城外十里

浮圖一關高且雄前朝戰伐何怱怱將軍題詩石

壁上

明劉綎詩  
刻石壁

我輩來遊明鏡中再尋幽洞訪仙

跡

華岳有仙人足  
跡長二尺許

迴看粉水流春風登堂拜佛佛

應笑自有此山無此翁

謂石麟  
士丈

雲邊月出僧未歸夜靜客來敲竹扉攢攢紫英藤  
樹老層層碧暈苔花肥高樓有人臥抵足明日早  
行還拂衣曉禽一雙繞枝語冠蓋滿城誰是非

### 渝江權歌三首

春前草色染青衣雨後嵐光溼翠微江上風波行

不得鷓鴣堆裏鷓鴣飛

何處寄儂巴子魚腹中不見一封書妾在香水橋  
邊宿郎在相思巖下居

三面雲山一葉舟晚風橫掠亂灘鷗海棠溪畔鶯  
花渡多少夕陽人倚樓

與禹涇江明經話別

名湛合州人

篝鐙人影客窗西鎮日看山酒共攜誤熱肝腸遭  
白眼強撐腰腳藉紅藜文章有價難爭命詩律相  
商慎選題忽爲春深動歸興杜鵑花下杜鵑啼



題江上廢寺壁三首

野岸送春去，欹崖寺半斜。  
僧閒貧賣藥，佛笑睡拈花。  
小鳥銜殘果，歸漁繫斷槎。  
斧聲臨石壁，相近有樵家。

幽僻疑多怪，翻欣得未曾。  
溼青鐘半紐，香紫樹雙藤。  
破甑厨無火，深潭夏有冰。  
夜星明一粟，恍似塔尖鐙。

誰知興廢事，碑臥短牆隅。  
新筍將成竹，靈蛇或吐珠。

竹間二蛇出

磬聲敲欲斷，帆影去如無。  
擬畫來時景

荒煙未易摹

蠶背梁

灘名屬  
鄂都縣

將來鄂都縣先過蠶背梁雲邊日色青紅黃四圍  
水立城中央前舟已先泊後舟猶未開我舟橫出  
江心來舟人相對顏如灰我曰眾母驚用舟如用  
兵置之死地而後生須臾日出風波平依舊中流  
自在行買魚沽酒聽歌聲

雨泊忠州訪唐白文公祠不果漫成二十  
韻

小泊近滄洲登臨接素秋有懷白刺史曾宦古忠

州舊夢如雲散輕帆帶雨收祠堂聞可訪詩卷已

長留曲徑尋僧屨新寒理客裘紅搖霜葉醉翠捲

浪花浮野暗煙籠市城高笛弄愁依迴蘆荻岸想

像荔枝樓樓在城西憶別潯陽浦移來巫峽舟緋衣剛

稱體華髮未盈頭蠻府娛清暇溪翁解唱酬黃縑

支俸少公在忠州以黃縑支俸青竹倚闌修見本集送遠悲啼

鳥閒眠嬾對鷗東坡千樹老西郭一鞭柔東坡西郭均見

本集佳詠傳京洛奇葩繪母邱忠州有白蓮花公命道士母邱元志繪圖

題詩傳  
於都下

當時多感諷遺事欲旁搜公擅唐音雅儂

偏蜀道游巴臺荒蔓草灩澦駛洪流濁酒憑誰薦

狂吟惜寡儔龍昌衰柳色還記使君不

公在忠州  
龍昌寺手

植楊柳後人  
比之甘棠云

霽後訪屏風山陸宣公墓中道遇雨而返

三首

客問玉虛觀土人猶未詳遙指屏風山緜緜雲氣

長我來千里外破硯隨輕航公生千載前榕也爲

同鄉大節亘霄漢皎如星日光在昔官別駕於今

三  
思甘棠忠州得忠臣懷德深肺腸忠臣葬忠州草  
木遺芬芳

公本聖賢學出爲王者師德宗雖能用板蕩蒙塵  
時兩河紛盜寇指畫籌機宜乘輿屢播越謹慎扶  
顛危行在草書詔大筆殊淋漓罪已惠元元反側  
咸涕洟惜哉競尙利延齡官度支飾非而醜正拒  
人還自欺謫宦復何爲集方徵良醫使公執國柄  
民氣回傷痍豈云臣力瘁適逢唐祚衰不然恢功  
用且追周與伊一事差足快得士韓退之蘇公具

特識書表陳丹墀

捨舟自登岸十里忽迷路急雨破空來平林籠薄  
霧僕夫請早還浪高將斷渡但期明日晴挂帆駛  
東去夷險皆尋常坦然守吾素所惜虛此行未得  
謁祠墓溪毛更誰薦瓣香亦空炷清流無盡時高  
風有餘慕

雲陽官舍讀杜工部集

少陵千載後重讀少陵詩多難逢天寶承恩拜拾  
遺乾坤莽兵甲將相注安危今日雲陽縣愁中聽

子規

同瘦木僧登五峯山

山在雲陽縣郭

綠雲踏碎不知路千尺長松竹萬竿樓外鐘聲應  
江水雨餘花氣雜旃檀人來蒲褐禪中座山向蓮  
華頂上看綠底推敲吟更苦五更月落寺門寒

江上大風雨書所見

雲旗雷鼓戰蛟鼉欲拔青山捲白波漁父無心渾  
見慣沙邊吹火酒邊歌

嘉樹山房夜雨

披衣驚夕涼雨自樹間出閉門耽靜理秋滿池上  
屋雲安毒熱新少陵詩早讀鋪牀洗長簟汗流睡  
亦足連朝風露陰翠影交梧竹獨居起遙思蛩語  
亂心曲薄衾誰爲加吟嚙夢猶熟醒來鐙半昏檐  
溜聲聲續

渡江謁張桓侯祠登樓晚眺二首

孤廟跨山出秋風動地哀雲低飛鳥下江闊怒濤  
來蜀道仍天險中原幾劫灰如公殊快意駐馬勒

銘才

侯隸書八濛山紀功銘云漢將軍飛率精卒  
萬人大破賊首張郃於八濛山立馬勒銘



更上窮千里西山爽氣凌詩碑題故相

廟有張文端鵬翮詩

碑

茶話對殘僧石凸泉生齒衣寒月有稜歸舟依

葦岸短杙挂魚罾

暮秋江上作

不爲蕪鱸亦感秋思將生計託漁舟連年客境都  
如夢近水人家半是樓八陣龍蛇餘戰壘一天鴻  
雁繫鄉愁長江遠控荆襄險指顧旌旗扼上游

時湖

北宜昌府陷四川  
官軍駐防夔巫

追悼六首

青天不可問白日不可留  
吞聲作死別倏爾三年  
秋人壽非金石瞬息同蜉蝣  
泉路永隔絕何以通  
綢繆一棺還故鄉  
鄉土無一坏汝骨  
今日寒予心  
空繁憂

秋深木葉飛遊子行不歸  
皎皎月在戶颯颯風吹  
衣燭光明復暗蟲聲淒以微  
侵曉始就枕夢見猶  
依稀我貌比前瘦  
汝貌比前肥迴思  
仍迷茫悵惘  
空歔歔

憶昔初結婚癸卯十一月  
銀燭爛有光玉梅映寒

雪酒尊琥珀光雲鬟珠翠貼兩小各情癡願化雙  
蝴蝶詎意八年事如泡隨影滅嚴霜凋蕙蘭根斷  
芳華歇

飲酒我最狂讀書我最癡寒暑每不慎米鹽尤不  
知我行汝願留爲言翁姑慈甘旨爲我奉門戶爲  
我持臨發別二親下拜心酸悲親曰汝母念汝婦  
卽我兒

汝病於閬中我官於成都千里梗消息百計窮醫  
巫我身不能飛對影空躊躇汝魂疑已來鐙光搖

暗珠棺衾先草草齋奠徒區區汝不愧我婦我愧  
爲汝夫

還家入空房悲歡頃刻變閉置女兒箱迷離舊鍼  
線尋呼小婢來癡立隔帷幔問答兩參差割棄仍  
依戀階前臘秋花零落不成片涼風何處聲哀鳴  
失羣雁

答李雲喬明經論詩二首

名宅撰  
長壽人

羞澀寄人籬何如自樹旗將兵先用膽相士莫論  
皮天籟靜中發餘音弦外知黃庭初搨好肥瘦恰

相宜

千秋吾輩事一字苦沈吟筆下鑄生鐵沙中披碎  
金梅花無俗骨芳草寄愁心不受羣魔擾禪宗定  
力深

寄懷石麟士明府

名彥田涪州人時  
主講巴州書院

二月渝江道逢君又送君詩情何水部書法李將

軍

君臨雲麾將  
軍碑見贈

話記山中雨愁生樹裏雲羈懷無

可說落葉正紛紛

巴巖灘

屬雲  
陽縣

殘月白如線遠山青欲無客心流水急鄉夢片帆  
孤煙外漁鐙黯霜前木葉枯便思招隱去踪跡愧  
鷗鳬

萬縣舟夜

舵尾迴看一塔明悄無人處畫欄橫扁舟又載閒  
愁去月下琵琶隔水聲

自蓼葉溪至梅樹溪口占二首

屬壑江縣

老猿抱樹頂睡歸鴉催馬蹄忙冒雨行十里路瀑  
布流千尺長

破屋編籬作門病叟呼兒迎客何處醉人夜歸橋  
上風鐙閃白

重九日渝江晤麟士卽送旋涪

白髮今如此黃花倍可憐  
洒徒雲聚散秋味雨纏

絲古本餘殘帖

家有重摹閣帖本本

歸耕問薄田明朝送君

處依舊孝廉船

歲暮還閬中示曾姬

城南日暮卸征鞭冷氣濃濃釀雪天  
壯歲狂遊翻自悔長宵對語竟遲眠  
曾揩別淚看雙袖代數新

詩問幾篇入手酒杯還不樂糟糠回首倍悽然

哭閔氏姊二首

一慟思前事孤帆共遠征清狂常戒我愛敬本如兄  
詎料殘春別翻爲永訣行麻衣小兒女忍聽夜啼聲

比歲遭家難窮愁耐折磨鄉關萬里遠骨肉九泉多  
感逝悲無已謀生計奈何側身望南北天地正干戈

重刊寇忠愍詩成記事三十韻

有引



寇萊公所著古今體詩二百四十餘首宣和中王次翁隆興初辛敷先後開雕於道州久而失傳榕家藏順治初蔣玠鈔本舛午尙多因爲勘校付梓並紀以詩

詩爲勳名掩茲編紀始終帝稱眞宰相時號寇巴東弱冠標文采羣經別異同臨民期會至司判度支豐樞密方膺召平刑久折衷挽衣臣語驚錫帶主恩隆突起澶淵役重扶日月功三遷誰畫策萬歲共呼嵩黃鉞親征際蒼生再造中渡河新壁壘

伏弩殪酋戎敵國盟書請盈庭謗牘訂兩州長不  
返孤注恨無窮囊劍驚朝命溪蠻遣盜叢污鬚銜  
宿怨鯁骨凜危忠到海披圖驗登樓拜像崇殘牋  
收蠹粉題句見紗籠漢樂歌郊廟周京頌鎬鄴看  
雲坐西館對竹憶南宮聞笛荒城暮圍棋凍雪融  
離聲嘶去馬清響送飛鴻涉境都成趣偏師未易  
攻集中五  
言最勝古音殊寂寂人代況恩恩勘正推辛敦  
搜羅繼次翁鈔胥紛亥豕讐校辨魚蟲手筆千鈞  
大心源一脈通麻沙珍舊本梨棗付良工敢信探

驪得應誇埽葉空涼宵自浮白短燭漸燒紅俎豆

騷壇列碑銘史冊公

孫抃奉勅撰精忠碑

那堪亭子上搖落

又秋風

同介人登梁山關

屬閬中縣

雲外奇峯罨夕暉雙江如帶半城圍秋逢月閨寒

生早

甲寅閏七月

路爲山深客到稀茅店晚香黃米飯

漁家晴曬綠蓑衣與君一事同商酌何處耕煙靜

掩扉

中秋同介人醉後步月

舉杯邀月月不來月自無言人自笑今夕何夕秋  
平分此人此月雙清妙初開缸面香垂涎再鼓詩  
心啟其竅夢中蝴蝶幾曾眠畫裏蟾蜍真逼肖先  
生出門把我臂我亦披襟還脫帽統如街鼓已四  
更共上高城發長嘯冰輪漸下星漸稀清光如水  
風吹衣衣上涼生天已白奴笑主人忘送客

碧玉樓遠眺

唐有玉臺觀今爲碧玉樓詩名推老杜霜色寫高  
秋拱北城孤立環東水夾流奇山真秀絕誰記鼈

靈游

閩中縣之靈山  
古鼈靈曾游此

甘露寺

寺在順  
慶府郭

重城西望石橋南  
一勺清泠飲最甘  
多竹深時交

密翠好山缺處補  
名藍書同蛇蚓狂  
污壁

寺僧乞  
書素壁

響出鯨魚靜繞龕  
客裏扁舟留不得  
蕭疎寒色賦

江潭

斜溪夜泊

屬定  
遠縣

平沙無際月初圓  
靜倚孤篷倦未眠  
何處一燈寒

對語鄰舟爭數賣  
魚錢

有客同舟笑語溫  
野蔬村酒醉黃昏  
分明一樣無聊夜  
人自還家我出門

合州夜渡

風緊月無色  
中流橫放船  
浪高飛作雨  
山遠化成煙  
獨客更誰語  
家人應未眠  
荒雞苦多事  
啼在二更前

三峽

屬合州

一日過三峽  
三江合一門

嘉陵江涪江流江皆匯於此

頑雲寒

不落古木晝常昏  
市小魚鹽美山窮  
虎豹尊晚鐘

何處寺破碎動離魂

夜趨分水嶺

時隨曹穎生廉訪赴綦江軍營防剿黔匪

梯連三百石鉤鉞

三百梯與分水嶺近皆屬綦江縣

夕照迴看我

馬黃羊骨驚聞雙羽急

綦江分駐之羊骨腦汛地時得前軍警報

雞喉

前有一夫當

雞喉關屬貴州遵義府黔軍設防

風催雪勢鳴村鼓

軍走雷聲赴敵場山店何人先過此夜深燒燭看

題牆

渠縣晏家場道中觀漢新豐令沈府君隸

書兩石闕

漢代遺雙闕題名我一家青旗黃酒店朱雀綠苔

花

碑首朱雀文尙完好

古字猶完璧前山已落霞馮君碑尙

在宋刻竟塗鴉

漢馮緄碑原本久亡宋人重刻石在渠縣城中弱劣可笑

### 再赴軍中與新婦別

初唱從軍行又作新婚別相對一言無但看雙袖  
溼

### 羅市小橋題壁

舊識橋東路溪迴又問途喧爭林際鳥笑語酒家  
胡客社連宵警風簾障雪麤村翁真快意楫柁聚



紅鑪

玉笙樓詩錄卷一終